

www.BibleForChildren.org

मत्तय 1



अलिशिवाना सहावा महीनामा देवनी गालीलमधला नासरेथ नावना गावमा एक कुमारीकडे गॅब्रीएल देवदूतले धाडं. तिनी दावीदना वंश मधला योसेफ नावना माणुससंगे मांगनी व्हयेल व्हती, त्या कुवारीनं नाव मरीया व्हतं.



देवदूतनी तिले सांगं, "मरीया, घाबरू नको;
कारण देवनी कृपा तुनावर व्हयेल शे.
तु गरोदर व्हशी अनं पोऱ्याले जन्म देशी,
अनी त्यानं नाव येशु ठेव. तो महान व्हई
अनं त्याले परमेश्वरना पोऱ्या म्हणतीन.
अनी प्रभु देव त्याले त्याना बाप
दावीद ह्यानं राजासन दी, तो
याकोबना घरानावर युगानुयुग राज्य
करी; त्याना राज्यना अंत व्हवाव नही!"



मरीयानी देवदूतले ईचारं, "हाई कसं व्हई? कारण
माले पुरुष माहीत नही."
देवदूतनी उत्तर दिधं, "पवित्र आत्मा तुनावर
ई अनी परमेश्वरनी शक्ती तुनावर छाया
करी, याकरता की, जो जन्मी त्याले
पवित्र, देवना पोऱ्या, अस म्हणतीन."



त्याच दिनसमा मरीया फटकामा डोंगराळ प्रदेशमातील
यहूदा प्रांतना एक गावमा निंघी गयी. जखऱ्याना घरमा
जाईन तिनी अलीशिबाले शुभेच्छा दिध्यात.
तवय असं व्हयनं की अलीशिबानी
मरीयानी देयल शुभेच्छा
ऐकताच, बाळनी तिना पोटमा
उडी मारी, अनं अलीशिबा
पवित्र आत्मातीन परीपूर्ण
व्हयनी. अनी अलीशिबा
उच्चा आवाजमा बोलनी,
"बायासमा तु धन्य अनं
तुनं पोटनं फळ धन्य."



येशुना जन्म असा व्हयना की, त्यानी माय मरीया हिनी योसेफसंगे
मांगनी व्हयेल व्हती, त्यासनं लगीन
व्हवाना पहिले पवित्र आत्माकडतीन
तिले दिवस राही गयात. अस
दखायी वनं तिना नवरा योसेफ
हाऊ एक धार्मीक माणुस व्हता
अनं तिनी बदनामी व्हवाले
नको म्हणीसन तिले
चुपचाप सोडी देवानी
त्यानी ईच्छा व्हती.



जवय तो हाऊ ईचार करीच राहींता ईतलामा एक प्रभुना स्वर्गदूतनी
त्याले सपनमा दर्शन दिसन सांगं, हे, "योसेफ दावीदना पोऱ्या,
तु मरीयाले बायको बनाडाले घाबरू नको,
कारण तिना पोटमा जो गर्भ शे, तो पवित्र
आत्माकडतीन शे. ती पोऱ्याले जन्म दि त्यानं
नाव तु येशु ठेव, कारण तोच आपला
लोकसले पापपाईन वाचाडी."



तवय झोपमाईन ऊठानंतर प्रभुना दूतनी जशी आज्ञा करी,
तसं योसेफनी करं त्यानी आपली बायकोना स्विकार करा.
जोपावत तिनी पोऱ्याले जन्म दिधा नही, तोपावत
मरीयाना जोडे तो निजना नही, जवय पोऱ्या
व्हयना तवय त्यानी त्यानं नाव येशु ठेवं.



त्या दिनसमा अस व्हयनं की, सर्व रोमी साम्राज्यनी जनगणना
व्हवाले पाहिजे अशी सम्राट कैसर औगुस्त यानी आज्ञा करी.
मंग सर्व लोके आपलाआपला
गावले नाव नोंदाले गयात.



योसेफ बी गालीलना नासरेथ गावतीन यहूदीयामधला बेथलहेम गावले म्हणजे दावीदना गावले गया कारण तो दावीदना घराणामधला अनं वंश मधला व्हता. तो आपली मागणी व्हयेल मरीयासंगे नाव नोंदाले गया, तिले दिन व्हतात.



अनी त्या तठे व्हतात तवय अस
व्हयनं की, तिना दिन
पुरा व्हयनात.



तिनी आपला पहिला पोऱ्याले जन्म दिधा अनी त्याले कापडमा गुंढाळीन गव्हाणीमा निजाडं, कारण त्यासले उतारशाळमा जागा नव्हती.



त्याच प्रांतमा मेंढपाय जंगलमा राहिसन रातले आपला कळप सांभाळी
राहींतात तवय प्रभुना एक दूत त्यासनासमोर ईसन उभा राहिना अनं
प्रभुनं तेज त्यासना आजुबाजूले
चमकनं अनी त्या घाबरनात.



पण देवदूत त्यासले बोलणा, "घाबरू नका! कारण दखा जो मोठा आनंद
सर्व लोकसले व्हणार शे, त्यानी सुवार्ता मी तुमले सांगस." ती हाई की,
तुमनाकरता आज दावीदना गावमा तारणारा
जन्मेल शे, तो ख्रिस्त प्रभु शे! अनी

तुमले खुण
हाई शे की,
कपडामा
गुंढाळेल अनं
गव्हाणीमा

निजाडेल अस बाळ
तुमले दखाई.



इतलामा अचानक स्वर्ग माधला देवदूतसना घोळका त्या देवदूतजोडे
प्रकट व्हयना; त्या देवनी स्तुती करीसन बोलनात,
"स्वर्गलोकी देवले गौरव, अनी पृथ्वीवर

मनुष्यसमा



शांती त्यासनावर तो
प्रसन्न व्हयेल शे!"



मंग असं व्हयनं की, देवदूत त्यासना जोडेतीन स्वर्गमा
निंघी गयात तवय मेंढपाळ एकमेकसले सांगाले
लागनात, "चला, आपण बेथलहेमले जाऊ अनं हाई
जी घडेल गोष्ट प्रभुनी आपले सांगी ती
दखु."



तवय त्या लगेच जाईन मरीया अनं योसेफ
यासनाजोडे पोहंचनात अनी त्यासनी त्या बाळले
गव्हाणीमा निजेल दखं. जवय मेंढपायनी त्यासले दखं
तवय जी गोष्ट देवदूतनी बाळाबद्दल सांगेल
व्हती ती त्यासले सांगी.



जवय हेरोद राजा व्हता.
तवय यहूदीयातील
प्रांतमा बेथलहेम गावमा
येशुना जन्मनंतर, दखा
पुर्व दिशाकडतीन
ज्योतिषी

येरूशलेमले ईसन ईचार-पुस करू
लागनात. "यहूदीसना राजा जन्मना तो
कोठे शे? कारण आम्हीन पुर्व दिशाले तारा
दखीसन त्याले नमन कराले येल शेतस."



तवय ज्योतिषीसले हेरोद राजानी
गुपचुप बलाईसन तारा दखावानी
येळ नीट ईचारी लिधी. त्यासले
बेथलहेमले धाडतांना सांगं,
"तुम्हीन जाईसन त्या बाळबद्दल
नीट ईचारपुस करा, शोध लागी
तवय माले बी निरोप द्या, म्हणजे
मी पण ईसन त्याले नमन करसु."



राजानं बोलनं ऐकीसन त्या तठेन निंघनात त्यासनी जो तारा पुर्व
दिशाले दखेल व्हता, जठे ते बाळ व्हतं. त्या जागावर जाईसन
पोहचत नही तोपावत त्यासनापुढे चालना.

जवय त्या घरमा गयात, तवय बाळले
त्यानी माय मरीया जोडे त्यासनी दखं.



अनं त्यासनी त्याना पाया पडीसन त्याले नमन करं, त्यासनी त्यासन्या
थैल्या सोडीसन त्यानामाईन सोनं, ऊद, गंधरस, हाई त्याले अर्पण करं.

मंग सपनमा परमेश्वर कडतीन त्यासले सूचना
भेटनी की, हेरोद राजाकडे परत जावानं
नही, म्हणीसन त्या दूसरी वाटतीन
त्यासना देशमा निंघी गयात.



ज्योतिषी लोके जावानंतर प्रभुना दूतनी
योसेफले सपनमा दर्शन दिसन सांगं,
"ऊठ, बाळले अनी त्यानी मायले लिसन
मिसर देशमा पळी जाय, मी तुले
सांगस नही तोपावत तु तठेच ऱ्हाय."
कारण बाळले मारासाठे
हेरोद त्याना शोध कराव शे?
मंग तो ऊठना अनं रातमाच
बाळले अनी त्यानी मायले
लिसन मिसर





देशमा पळी गया.



अनी हेरोद मरस पावत त्या तठेच
ऱ्हायनात, "मी मना पोऱ्याले मिसर
देशमातीन बलायेल शे." जे प्रभुने
संदेष्टासनाद्वारा सांगेल व्हतं,
ते पुरं व्हवाले पाहिजे म्हणीसन
अस व्हयनं.



ज्योतिषीसनी आपले फसाडं म्हणीसन
हेरोद भलता संतापना अनं जी माहिती
ज्योतिषीसपाईन नीट ईचारी लेयल
व्हती, तिना प्रमाणे बेथलहेम अनी
आस-पासना सर्व गावसमा ज्या दोन
वरीसना अनी त्यानापेक्षा कमी वयना
पोऱ्या व्हतात, त्या सर्वासले त्यानी



शिपाई धाडीसन
मारी टाकं.



मंग हेरोद राजा मरानंतर, प्रभुना दूत
मिसर देशमा योसेफले सपनमा दर्शन
दिसन बोलना. ऊठ, बाळले अनी
त्याना मायले लिसन इस्राएल
देशमा निंघी जाय, कारण ज्या
बाळले माराले दखी राहींता,
त्या मरी जायेल शेतस.



पण अखेलाव हाऊ त्याना बाप हेरोदना जागावर
यहूदीयामा राज्य करी,
ऱ्हार्इता हाई ऐकीसन योसेफ
तठे जावाले भ्यायना अनं
सपनमा सुचना भेटनी
प्रमाणे तो



गालील प्रांतमा निंघी गया.
अनं नासरेथ नावना गावले जाईसन
ऱ्हार्इना, ते यानाकरता की त्याले नासोरी
म्हणतीन; हाई जे संदेष्टासद्वारे सांगेल व्हतं, ते पुरं व्हई.



देवनी जगवर ईतली प्रिती करी की त्यानी
आपला एकुलता एक पोऱ्या दिधा, याकरता की
जो कोणी त्यानावर ईश्व्वास ठेवस त्याना नाश
व्हणार नही तर त्याले
सार्वकालिक जिवन भेटी.



रोम 3:23 कारण सर्वासिनी पाप करेल शे अनी त्या देवना गौरवपाईन दुर
व्हयेल शेतस.

रोम 6:23 कारण पापना पगार मरण शे, पन आपला प्रभु येशु ख्रिस्त
यानाद्वारा सर्वकाळना जिवन हाई देवना कृपादान शे.

इब्री 9:27 जस मनुष्यले एकदावनं मरणं अनी त्यानानंतर देवकडतीन न्याय
व्हणं नेमी ठेयल शे.

इफिस 2:8,9 कारण कृपातीनचं ईश्र्वासनाद्वारा तुमनं तारण व्हयेल शे अनी
हाई तुमना हातघाई व्हयेल शे अस नही, तर हाई देवनं दान शे; कोणी
बडाई कराले नको म्हणीसन कर्म करीसन हाई व्हयनं नही.

रोम 10:9,10 कारण, येशु प्रभु शे, अस जर तू आपला तोंडतीन कबुल
करशी अनी, देवनी त्याले मरेलस मातीन ऊठाडं असा आपला अंतःकरणमा
ईश्र्वास ठेवशी तर तुनं तारण व्हई. कारण जो अंतःकरणतीन ईश्र्वास ठेवस
तो न्यायी ठरस अनं जो तोंडतीन कबुल करस त्यानं तारण व्हस.



योहान 3:16,17 देवनी जगवर ईतली प्रिती करी की त्यानी आपला एकुलता एक पोऱ्या दिधा, याकरता की जो कोणी त्यानावर ईश्र्वास ठेवस त्याना नाश व्हणार नही तर त्याले सार्वकालिक जिवन भेटी. देवनी पोऱ्याले जगना न्यायनिवाडा कराले नही, तर त्यानाद्वारे जगनं तारण व्हावं म्हणीन धाडेल शे.

1 योहान 5:11-13 ती साक्ष हाईच शे की, देवनी आपले सार्वकालिक जिवन देयल शे अनी हाई जिवन त्याना पोऱ्यामा शे. ज्याले देवना पोऱ्या लाभेल शे त्याले जिवन लाभेल शे; ज्याले देवना पोऱ्या लाभना नही त्याले जिवन लाभना नही. देवना पोऱ्याना नाववर ईश्र्वास ठेवनारा तुमले अनंत जिवन लाभेल शे हाई तुमले समजाले पाहिजे म्हणीसन मी हाई तुमले लिखी ऱ्हायनु शे.



मत्तय 1-2; लूक 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Ahirani Bible (ahr) © The Word for the World International
and Ahirani Christi Iswari Mandli, Sakri, Dhule, Maharashtra
2025

<https://www.bible.com/en-GB/bible/2776/GEN.1.A1125>

©2026 Bible for Children, Inc.

www.M1914.org

www.bibleforchildren.org

